



## Universitätsbibliothek Paderborn

**Floremundi Raemundi V. Cl. Olim Consiliarii Regis  
Galliarvm Ex Calviniano Catholici Synopsis Omnium hujus  
temporis Controversiarum tam inter Lutheranos,  
Calvinistas quam alios plurimos. Sive Historia ...**

**Raemond, Florimond de  
Coloniae Agrippinae, 1655**

caput decimum. De diversis ac quamplurimis Haereticorum synodis ac  
conventibus ac frustraneo eorundem exitu.

**urn:nbn:de:hbz:466:1-10880**

Antitrinitarios & id genus sectarios attinet, iis neque in civitatibus Imperialibus, neque in Germanorum Principum ditionibus ullus locus conceditur, sed vel in angulo aliquo Poloniae, Moraviae, Silesiae, aut Belgii latent, in quibus scilicet omnis generis sectae tolerantur, ut praecedenti libro ostendimus. Francofurtu tamen Calvinistis hospitium præbuit, quod eo ob celebrem mercatum, variae nationes confluere soleant, eoque etiam variae ibi sectæ reperiuntur: imperium tamen penes Catholicos est & Lutheranos, quibus solis etiam in publicis sacra peragere licet, ceteri vero in privatis domibus & horreis religionis sive exercitium frequentant.

DE DIVERSIS AC QUAMPLURIMIS  
hæreticorum Synodis ac conventibus, ac  
frustraneo eorundem exitu.

CAPUT DECIMUM.

ARGUMENTUM.

- I. Lutherani multorum librorum scriptores.
- II. Conventus & Colloquia religionis ergo, ubi & quando celebrata.
- III. Bucerus Zuinglianismo nuncium remittit.
- IV. Conventus Ratisbonensis.
- V. Colloquium Maulbrunnense; in quo Vbiq'itas a Brentio defensa.
- VI. Colloquium Montpelicardense.

**E**X omnibus hæreticis, qui à primis usque cunabulis, à Simone Mago primum inquisiti, Ecclesiam à qua dèciverant, multiplici arte ac vi oppugnarunt, nullus umquam acris scribendi excoethes & insanabilis pruritus tenuit quam Lutheranus. Testatur hoc multitudine scriptorum non contra Catholicos tantum, sed Sacramentarios quoque, sobolem suam editorum uti liquet ex Catalogis annuis ac semebris Nundinarum Francofurtensium, in quibus libri in Classes Catholic. Lutheran. & Calvinianorum discerni solent. Sed neque hæresis ulli plures syndicos, Colloquia & Conventus habuit quam Lutherana: Catholicis interim miserorum dominunt fortunam vera pietate commiserantibus, ut quis melior regia via Ecclesiæ digressi, aut velut cæci in tenebris palparerent, aut vagabundi atque errantes, in se mutuo in-

cursarent, nec pacem inter se facere possent. Dictatore omni destituti, vel tanquam milites sine Duce oves sine pastore sensibili. Omnia vero istorum Conventuum exitus docuit, ut hominum ejusmodi congressibus controversiae finiantur, tantum abesse, ut etiam magis inde augescant, suam opinionem singulis mordicus tuentibus, & gloriam magis quam veritatem querentibus. Et quidem opera pretium non esset, ejusmodi malos infelicesque conventus recensere, quia tamen eorundem Acta peritura sunt, & ut aliorum insipienti sapientior fias posteritas, præcipios hæreticorum conventus exponere non gravabor.

II. Initium horum conventuum infelicium factum est An. 1517. Wittebergæ, Joanne Tetzlio Ord. Prædic. celebri viro, 106. Theses opponente Thesibus Lutheri, [a] quas oportuerat Romanum ad censuram transmissas fuisse, ne, ut evenit, animi religiosorum inter se exacerbati, collisione grandifulgura excitarent adeo magno animarum detimento. Primus igitur ex principio infelici conventus celebratus est Auguste in ipsis sub Maximilio I. comitiis, ad quæ citatus Lutherus, ut cum Cardinali Cajetano controversia ab ipso morta componeretur, quo tempore ita Lutherus se secessit ut ipse Maximilianus in ejus humeris insidentem Cacodamonem conspexerit [b] & ille Cardinalis postulata generalibus verbis errorem conscientibus usus, in specie uestrum de se agnoscere recusavit [c]. Secundus conventus fuit Lipsiensis Disputatio, inter Joannem Eckium & Lutherum, in qua etiæ Lutherus ita pressus sit, ut confessus sit palam, Motum à se concitatum, nec propter Deum esse capsum nec propter Deum sibiendum esse, nihil tamen mendacionis, sed multum mendaciorum pro Luthero scribentium subsecutum fuit. [d] Tertius Wormaltie An. 1521. Aprili, ubi Lutherus ipse violari salvi sui conductus reus, nisi Sturmius caduceator Caesaris prodidit fuisse capi pertinax potuit, ita tamen pressus est, ut fassus fuerit cordis sui arcu, nempe se nec Conciliorum sententia stare, sed folis sacris Scripturis, nempe ex suo cerebro explicatis, quam naniam hodieque omnes ejus sequaces cantillant [e] ut ipse orsus est. Quartus Norimbergæ An. 1522. capitus & seq. terminatus, ubi iter Im-

F 3 p. 67.

[a] Anatom. Eccl. Cathol. Tract. 2. [b] Vlenberg. Vir. Luth. cap. 3. & Anatomia cit. [c] Ibid. iid. [d] Anatomia ibid. Vlenberg. Vit. Lutheri cap. 4. [e] Anatom. ibid. & Vlenberg. Vit. Lutheri cap. 6.7.

perii senatum absente Cæsare imprudenter in præjudicium proscriptionis Cæsariae astum est per Lutheri subornatos [a] imprimis Osiandrum. *Quintus* Tiguri An. 1523. ad Novæ hæresis Zwinglianæ, exemplum Lutheri fecutæ exortum, ubi Magistratus civilis judicandi potestate in sacris afflumpta, colloquium inutile effecit Catholicis. [b] juxta id Tertulliani de Resurr. carnis. *Hæretici conscientia infirmitatis* nunquam ordinatae tradant. *Sextus* iterum Norimbergæ An. 1524. ubi distractis consultantium animis absente Cæsare conclusum est ut Concilium generale postularetur indici, & spiram indicetus conventus ad disquirendum quæ fôrent proponenda. Frustra jam enim olim fuerat definita per Concilia qua Lutherus loco movebat. [c] *Septimus* Lucernæ in Helvetiis, A. eodem 1524. mensis martio, ubi sanissimo Confilio decretum est à pagis Catholicis, *Catholicam fidem, contra Zwinglium & quosvis Novatores esse firmiter retinendam*, quod illis saluti fuit & laudi æternæ accrescit, [d] *Septimus* & que salutaris Ratisbonæ, ubi Card. Campegius, Ferdinandus Rex, & Catholici convenientes, decreverunt standum esse proscriptione Cæsarialis in Lutherum promulgata Ab. 1521. Wormaliae, erupta sunt eo decreto hæreti plures ad Danubium provinciæ. *Ostavus*, cod. A. Spiræ ab Imperii civitatibus celebratus circa Julium, ubi magistratus civili cuiusque urbis censendi res religionis male concessa fuit [e] *Nonus* Duorum Hæresiarcharū Lutheri videlicet & Carlo. stadii Jenæ ad 22. Augusti ubi Lutherus aureo dato subarravit alterum ad scribendum adversus se, *Sacramentariæ* ex hæresi penit. [f] *Decimus* An. 1525. Halæ Suevorum, ubi Ministri Lutherani *Syngramma* ediderunt, quo Oecolampadii & Zwinglii dogma damnarunt, Bucero & Brentio in medio se tenentibus, juxta id S. Vigilii Martyris l. 2. contra Eut. *Inconfessi perfidorum sententia, nostræ victoria eorum cassa certamina* [g] *Vnde decimus* Badenæ eod. A. ubi Zwingiani damnati, nisi idem sit hic *conventus* cum xv. *Duodecimus*, Francofordiæ, qui tamen potius fuit rebello, cum Lutherani senatum aggressi exauthorant, & e suis 24. proficiunt, eisque 47. articulos credendos, & observandos, & alia iniquissimæ acta [h] Rècte Augustinus his inclamat: *Tract. II. in Joan. Talia facere volunt Catholicos affligendo, & saltē talia pati nolunt. Semper eternas mortes faciunt & temporales se perpeti conqueruntur.* *Tredecimus* eodem jure interi potest, Aliquot Centenorum milium Rusticorum per Germaniam incen-

tore Lutheri, & ejus sequacibus. nam & hi articulos ediderunt, scriptura ex suo ingenio aptatos, quibus omnem magistratum pro suo libitu reformare intendebant, ignibus & tormentis ac gladio, quibus gravabunt absumpti [i] *Decimus quartus* Comitia spiræ An. 1526. ubi V.D.M. I. & symbolum, verbum Domini manet in æternum exortum est, postularuntque Templum in ea urbe, uti Gaias ab Arcadio constantinopoli, sed repulsi, in hospitiis inter musicam culinarum & canum dignum suæ religionis præstiterunt sibi exercitium, juxta id Tertullianum lib. de præscript. construunt sibi synagogas sine Deo, orbas fide, extorres, [k] *Decimus quintus* Badenæ in Helvetiis An. 1526. Disputatio inter Catholicos & Zwinglianos, ubi Zwinglio non audente comparere vis tota in Oecolampadium verfa, - conclusum in Catholicâ fide majorum tutius persisti, quam transiri in novam religionem, tam ægre defensam [l] *Decimus sextus* Bernæ Helvetiorum, An. 1527. indictus, sequente finiendus, inter Sacramentarios & Catholicos, sed quoniam Magistratus Civilis iniquas Catholicis posuerat leges, Catholici comparere recusarunt, & Zwinglianantes Viatoriam interpretati, quæ voluerunt, decreverunt, [m] *Decimus septimus* in Saxoniam, ubi ad arbitrium Electoris Saxoniam & quos adhibere voluit facta est Ordinatio seu Visitatione Ecclesiæ Saxoniarum Lutheri Germanice, Melanchthoni Latine scripturætibus, & sibi mutuo contradicentibus [n] more hæreticis usitato, cōmodo nobis, nam inconstans hæreticorum fidem nostram confirmat, dum illi instar Chamaeleonum mutantur, qui florum colore vestiuntur, ut ait Theodor. ep. 140. ad Asparem Col. *Decimus octavus* Anno 1529. Spiræ Comitia ibi contra sana & temperata Decreta, Saxo & Landgravius appellando & Protestando, Protestantum nominis initium fecerunt, [o] secuti in hoc Donatistas, apud Aug. ep. 48. & lib. 3. contra Crescon. cap. 46. &c. *Decimus nonus* Disputatio Flensburgi in Dania

præsen-

[a] *Anatom. I.c. Vlenb. vite Luth. cap. 10. num. 4. & 5. & vite Osiandri cap. 1.* [b] *Anatom.* [c] *Vlenb. Vit. Luth. cap. 12. num. 1.* [d] *Anatomia Eccl. Cathol. pag. 91. & Vlenb.* [e] *Vlenberg. Vite Luth. cap. 12. n. 2.* [f] *Vlenberg. fufe Vit. Luth. cap. 13.* [g] *Anatomia & Vlenberg. c. 18.* [h] *Anatomia. I.c.* [i] *Vlenberg. & alii plurimi A. R. ipseque Lutherus.* [k] *Anatomia fol. 92. Vlenberg. Vit. Luth. c. 18.* [l] *Anatomia.* [m] *Anatomia* [n] *Anatomia.* [o] *Vlenberg. cap. 2. & Vit. Luth. c. 1. Anatomiap. 94.*



presente Regis Friderici filio Christiano III. Cum reliquis regni proceribus multis, inter Lutheranos & Hofmannum Zwinglianum negantem præsentiam Christi in Eucharistia, qui obrutus a multis exulare coactus est, [a] juxta id Terrull. sive Novat. de Trinit. dum nostra profertur dogmata, veritas etiam ab inimico probatur. Viceimus Marpurgi in Hassia, inter Lutheranos & Zwingianos, & medios utrorumque seu Bucerianos, ubi omni virtute humana tentata est concordia duarum hæresum, eodem principio, Sacra scriptura se defendentium, & sine capite seu judge effectum est concordie nihil, simulationis aliquid, nam, ne vulgo irriterentur, aliquid in quo conveniebant jam antea consentienter definerunt; ob quod conveniebant, nempe Sacram cœnam infectam reliquerunt, digressi vero quod occulte egerant manifestarunt. Sacramentarii dicendo se trecenta argumenta attulisse, quæ Lutherani non solvissent: Lutherani duce Melanchton ad Catholicorum armaturam nempe SS. PP. unanimem consensum in interpretandis verbis *Hoc est corpus meum* configurare sunt compulsi. [b] quasi SS. PP. valent contra Sacramentarios vincere, quos nolunt contra se adduci victores a quo ac Sacramentarii. O, miserè, qui omnes contra Ecclesiam veniunt, sed dū vincunt e invicem, nihil tamen sibi vincunt, ut ait Hilar. 7. de Trinit. In hoc dissidio Lutherano-Zwingiano Landgravius, oleum pro aqua affudisse se sensit, ut pote quod ex eo tempore irreconciliabile evasit. Viceimus primus Conventus Norimbergæ, habitus à Protestantibus, qui taceti conscientia, quod inueniente anno Spiræ turpiter contra ius omne protestando Protestantes facti essent, autumno sarcire voluerunt fastum suum, & de modo excusandi apud Cæfarem in Concilium venerunt, conlenseruntque per legatos Cæfarem in Italia Placentiæ communi- rautem esse placandum, & decipiendum, ut defeteret in partes hæreticorum, quem in finem ei per unum Legatorum Michælem Cadenum libellum insigniter adoratum, breviter omnia Lutheranæ religionis capita continentem, offerri jusserunt; autore Landgravius sed gratia loco Cadenus carcerem, reportaturus erat, nisi per Venetas effugis- set [c] Viceimus secundus Conventus Suabaci inter eosdem habitus circa cœnæ articulum, sed & ibi magis aucta est eorum discordia, [d] appauertique iterum verum esse dictum S. Hilarii 7. de Trin. Victoria eorum triumphus est Ecclesia ex omnibus, dum in eo hæresis contra alium pugnat, quod in hæresi

altera Ecclesia fides damnat. Viceimus secundus, iterum Smalcaldia An. eodem 1529. sub finem Novemb. non jam inter Lutheranos & Zwingianos desperatam ob concordiam, sed inter meros Lutheranos, ubi intellecta ex Cadeno ira Cæfarii se fædere conjungere intenderunt & initium fæderis Smalcaldici fecerunt [e] Viceimus tertius, Norimbergæ An. 1530. Januario, corundem Protestantium de promovendo fædere Smalcaldico adversus Cæfarem munimenta quærendo [f] Viceimus quartus Augustæ Vindelicorum, in comitiis generalibus Imperii, ubi primum Fides Augustanæ Confessionis nata est, cum jam Ecclesia Christi 1500. annis in orbe à fine ad fines terræ fuisse dominata: sed quæ fides? Discordium inter se Authorum, nam cum Confessionis illius articulus XII. expenderetur in quo satisfactio negatur esse pars penitentiae, & Collatione tertia Cochlaeus ex Lutero ipso ostenderet, satisfactionem debere admitti, ibi Sneppius & Brentius signiferi à Luthero apostatarunt recusantes ejus scripta defendere, quibus & ipse Melanchton faber Confessionis ipsiusmet, accessit, ipsam damnans Confessionem in craftino, quam scriperat in pridiano. Sed & ibi Catholici detriumpharunt Miseros Confessionistas, cum dictio *Sola Confessione eorum debuit ipses fatentiibus expungi* [g] sed & ibi iterum Sacramentariorum Confessio oblata ab utrisque Catholicis & Protestantibus est damnata [h] circa Augustum. Hoc ulcus jam olim in hæreticis tetigit Athanasius or. 1, cōtra Afianos dicens: *admirabile est omnes quotquot sunt hæresis in fingendo diversa, pugnantia adferre, nec alibi nisi in falsitate sibi invicem consentire, & copulari, nec illud mirum, cum unum habeant authorem, qui ipsis ubilibet mendacia spargit.* Viceimus quintus, Smalcaldia Tertius conventus An. 1530. 22. Dec. indictus à Saxone Joanne Electore, ut jam non rationibus vel scripturis, sed armis fidem suam defendentes quod decretum Lutherus animosè suo calculo, veluti pontifex quidam confirmavit, dictabat tunc Catholicis S. Hilar. hoc ex ad Constantium Aug. contra Atianos scripto verbum:

*Si autem*

[a] Cypræus in Historia Ecclesiastico. Sesovic: lib. 3. cap. 4. pag. 420. [b] Anatomia Vlenberg Vit. Lut. cap. 20. num. 2. [c] Vlenberg Vit. Lut. cap. 20. nu. 5. [d] Anatomia pag. 95. [e] Vlenberg. Vit. Lut. cap. 20. ad finem Anatomia pag. 95. [f] Vlenberg. ibid. [g] Vlenberg. Vit. Lut. cap. 21. & 22. fuse breviter Anatomia Ecclesiæ Cathol. pag. 95. [h] Ibid. & Vlenberg. c. 23. n. 1.

*Si autem rapaciam luporum oves peragunt, lupi esse per opus suum intelligantur. Talijs sunt lacerare, mordere, proficere, &c. Vicesimus sextus celebratus A. eodem exente Coloniæ, ubi præter Ferdinandi I. in Rom. Regem s. Jan. Anni 1531. electionem, protestante contra eam Saxone per filium suum Joan. Fridericum [a] Vicesimus septimus Conventus. Smalcaldæ IV. An. 1531. sub finem mensis martii à Protestantibus indictus, ubi existentes multos, etiam extra imperium, ut Danie & Anglia Regem ad suum fædus pelleixerunt, [b] Conventus Vicesimus octavus eodem Anno mense Junio à Protestantibus est celebratus Francofurti, ad corroborandum fædus suum, ubi Sacramentarios visum est fæderi esse adscribendos; sed id ne fieret Saxo literis [c] datis ad congregatos ex Lutheri voluntate impedivit. Vicesimus nonus ibid. Francofurti cod. An. ad 20. Augusti, in quo Albertus Moguntinus & Ludovicus Palatinus Electores inter Protestantes & Catholicos pacem politicam sancire aggressi sunt, quæ actio in seq. Annum 1532. producta fuit, & demum pax ejusmodi 23. Julii conclusa est. [d]*

III. *Trigesimus Conventus Ratisbonæ initio anni 1532. habitus ob Turcas ingruentes, & dissidia Religionis componenda, in quibus Pax cum Protestantibus cæpta, amplius Moguntino & Palatino commendata est. [e] Trigesimus primus Spiræ futurus fuit, at quia Saxo istuc invitatus voluit salvum conductum non solum suis concionatoribus aliis, sed & Luthero, pridem proscripto ad docendum ibidem concedi, negato quod tantopere Majestati Cæsarlis adversabatur, infectus ille conatus transiit, Interea Schwæinfurti Protestantes convererunt, ubi de concordia religionis & civili pace tractatum fuit, ibi extorsere demum Concilium convocabundum, & libertatem Conscientiarum, ut vocant, ab Imp. coacto ob imminentia pericula à Turcis, [f] Volebant autem Concilium fieri non eo quo hactenus more, sed suo ex dictamine, nempe Liberum, quod neminem obligaret, ad recipientum decreta, & in quo nemo præ alio plus haberet potestatis, sed omnes æquarentur, deinde Nationale, in quo omnes è Germania qui vellent comparent & sederent, exclusis aliis nationibus, ut docuit eventus, & Protestantes ipsi declararunt, An. 1533. cum Smalcaldæ quinto conventum celebrarunt, qui fuit Trigesimus primus, ubi scrutati sunt, quid Legato Pontif. ad Saxonem missio respond. in causa celebrandi Cœcilius [g] Jimplerunt enim quæ gelam veterem S. Hilarii ac Tertulliani in lib. de*

præscript. Vbi impietas occasio, novitas admittitur, ubi autem religionis maxima & sola cantela est, (per conciliorum celebrationem) excluditur per iniquas conditiones ad solam scripturam provocando, ut hac via firmos fatigent, infirmos capiant, medios cum scrupulo dimittant, ibidem Galliæ Rex preslavit Protestantium amicitiam mense Decembri [h] Trigesimus secundus celebratus est in Hassia apud Landgravium intentissime cupientem è Lutherana & Calviniana unam conflare religiosem cōcordem, & eam ob causam anno 1534. Istuc Melanchton evocatus advenit, qui perscripsit modos concordiae, qui illico Constantiam missi sunt, ad Helvetios ubi eadem de causa adhuc celebrabatur Conventus Trigesimus tertius Bucero tentante concordiam inter eosdem conflare, sed dicit propheta, *vix est pax impiis*, itaque laboratum est iterum irritu conatu, aliis recipientibus consilium Buceri, aliis alpernantibus inter quos Tigurini & Bernates, veruntamen ubi ab Hasso literæ venerunt Bucerum evocantes, is eodem accurrit ocyssime, quasi prædajam capta, divisurus spolia pervenitq; in Hassiam Ann 1535. initio, ubi explorata diligenter mente & sensu Buceri ac Zwinglianorum, quod Melanchtoni Lutherus mandarat, tam in verbis aliud sonantibus, aliud secreto significantibus Melanchton & Lutherus decepti sunt, ita ut opinarentur, Zwingianos in articulo de cœna foce Lutheranos, & ideo Novus Pontifex assumpta ex semetipso potestate synodum indixit celebrandam Isenaci in Thuringia A. sequente 1536. ad 14. Maii, ut dicam infra [i] Interea Trigesimo quarto convenitus alius celebratus fuit III. Kal. Jul. An. 1534. Cadami in Bohemia pro pace quæ ibidem coaluit, [k] & Trigesimus quintus, Francofurti An. 1535. cum Henrici Regis Anglia legatis, qui Protestantibus nuntiarunt, quomodo Rex ejus in Pontificis præfulibus, impense favet Protestantibus, quodque Christi doctrinam, ut ipse, promoveant: quibus Protestantes vicissim suam operam obtulerunt, & in seq. Annum ad Aprilem de Legatis in Angliam destinandis, synodum indixerunt [l] Vide quo

[a] Vlenberg. cap. 24. Vit. Luth. [b] Vlenb. in Luth. c. 24. n. 1. Anatomia pag. 97. [c] Vlenb. ibid. & Anatomia. ibid. [d] Vlenberg. in Luth. cap. 24. num. 1. Errat Anatomia, alio fine opinata factum. [e] Bzovius in Anpal. [f] Anatomia. & Vlenberg. c. 24. [g] Anatomia. Vlenberg. Vit. Melancht. c. 10. n. 2. [h] Vlenberg. in Melancht. c. II. Anatomia pag. 98. [i] Bzovii Annales. [k] Anatomia. & Vlenberg. in Melancht. c. II.

modo heretici et si multis erroribus sint divisi, tamen  
communi nomine adversus Dei Ecclesiam confirent.  
24.9.3. *Tricesimus sextus* Tiguri An. 1535. 6. Aug. à  
Zwinglianis, adversus Lutherum iratis, quod Lutherus Oecolampodium scripsisset à diabolo præ-  
focatum expirasse; de cœta est itaque *Apologia contra Lutherum*, cuius executio tamen impedita  
tunc fuit, eo quod Lutherus datis ad Argentinen-  
ses literis, ostentaret concordia spem cum Zwingianis [a] Itaque *Tricesimus septimus Conventus Aroviae* in Helvetiis Anno eodem 1535. indictus à  
Zwinglianis, ut demum in Fratres à Lutheranis  
reciperentur; sed nihil effectum, imò etiam inter-  
dictum est, ne Isenacum adirent, ubi à Lutheranis  
erat synodus celebranda, [b] Secuta est synodus Isenacum indicta An. 1536. quod à parte quadam  
Zwingianorum (nam hi in binas aut ternas sectas  
se diviserant, nempe Bernates nolentes concor-  
diā in Lutherō; Bucerianos, qui cōcordiam qua-  
rebant, & medios horum Tigurinos, qui attendeb-  
ant ad eventa fortunae) nempe Buceristarum,  
ipse Bucerus, Capito & alii novem missi jverunt,  
qui Isenacum delati, intelligunt Lutherum Dicta-  
torem ægrotare, & ab eo Grimmam itinere diei  
ab Witteberga distantem locum translatum esse  
synodum, designatis Melanchton Grammatio &  
Cruegero Medico ad paciscendum cum Zwingianis. Itaque Bucerus & Socii prævertentes Wittebergam Novam Romam adierunt, ipsum Lu-  
theranorum oraculum conventura & ea ratione  
*Conventus Tricesimus octavus* Wittebergæ est ce-  
lebratus in domo Lutheri ad 21. Maii diem [c] Acta extant memorabilia, quorum summa est  
Zwingiani cedendo continuo Lutherō, eumque  
& socios sub umbra verborum ambigiorum cir-  
cumveniendo, ejusmodi pepigerunt concordiam,  
sub qua discordes manerent, mundo opinante eos  
amicitiam compiegisse, & opinio invaluit Buce-  
rum Zwinglio valedixisse. Capita concordia Mel-  
anchton sextus Evangelista Lutheru Zwinglia-  
norum concepit & scriptis, qua utrius Magistratibus  
suae partis proponerent Confirmando. Luthe-  
rani facile approbarunt, cum scriptum hoc in mo-  
dum Cochurni concepti omni pedi conveniret.  
Apud Helvetios autem scissure aperta sunt. Buce-  
riani subsciperunt, major pars Zwingianorum  
Magistratum restiterunt captiosæ concordia  
verbis, & pro ratificatione ejus Lutheru civiliter  
officia sua obtulerunt, justo Dei judicio, ut qui  
contempserat patres suos, à suis quoque filii con-

temneretur, & ludificaretur. [d] Interea Protestan-  
tes Aprili mense anni ejusdem 1536. Francofurti  
*Tricesimum nonum Conventum* effecere, in quo ad  
viii. Kal. Maii designati ut in Angliam irent Jacobus  
Sturnius Melanchton, Bucerus, Draco, seu  
Draconites. Melanchton horrebat id iter ob sup-  
plicia anno superiori illata his qui matrimonium  
Regis cum adultera prætentum improbabant, sed  
metum detergit mox enuatiata mors adulteræ Anna  
Bolenæ. Sed & Bernæ apud Helvetios eo tem-  
pore synodus celebrata narratur in qua ccc. ferme  
excucullati Monachi more SS. PP. in Nicano  
Concilio consedisse dicuntur, credo magis ut fa-  
mam quisque sibi unam conquererent quam Ve-  
ritatem, aut facienda concordia inter Lutherum  
& Zwingianos viam invenerent. [e] erit igitur  
iste *Quadragesimus Conventus* quo tempore Calvi-  
nus primum Institutiones suas impias Käl. Aug.  
Bafiliæ excusas emisit, & iv. Non Junii Paulus irr.  
Concilium Generale Mantuam in seq. annum per  
Christianum orbem indixit. [f] secuti sunt breui  
innumeris conventus per Germaniam consultan-  
tium & disputantium quid circa indicium à Papa  
Concilium fore agendum Melanchton & qui-  
dam experti infelices eventus synodorum suarum  
acephalarum, acquiescerunt endum esse Generalis Con-  
ciliis decretis asservabant. Alii nequam, & erat  
scisma in populo etiam de Concilio, & vertebarū  
gladiis uniuscujusq; ad proximum suum. Reg. 14  
Celebris enim inter has synodus fuit Smalcaldica  
vi. *Quadragesima prima Anno 1537.* celebrata oc-  
casione indicti à Papa Concilii, toties flagitati à  
Protestantibus. Ibi ut Zwingianis essent terrori  
Lutherus, Melanchton, Bucerus & Osiander simu-  
larunt, sead Concilium indicium accessuros, sed  
larvam hanc ipsi brevi detraxerunt sibi, & Zwingia-  
nos terrore liberarunt, siquidem Latinam &  
Germanicam excommunicationem, cur ad id Concilium  
nollent venire ediderunt, & professi sunt se velle  
sentire juxta capita Confessionis suæ Augusta-  
nae, toties mutatae, quod dum fit etenim in no-  
vas sectas funditur Lutherani, nempe Magistratū  
Civilē in Ecclesiasticis rebus agnoscentes & re-  
spuentes. Lutherus pro Respicientibus mox Librum  
edidit (hi deinde Antinomi dicti sunt) capistra  
principum misera in ora sua intromitti permis-  
G serunt,

[a] *Anatomia* p. 99. Brou. in Ann. [b] *Vlenberg* in  
Melancht. cap. II. n. 1. [c] *Prolaxe Vlenberg* in Luth.  
cap. 27. & Melancht. cap. II. *Anatomia* p. 99. [d] *V-  
lenberg*. ibid. [e] *Relationes Gallicanae*. [f] *Brou. annal.*

50

serunt quod eos postea vehementer male habuit, cum pro uno papa remoto tot pontifices se nactos esse viderunt, quot Senatores in quavis curia reperiebantur simili modo Zwingiani conventum Quadragesimum secundum efficients Bernae ultima die Maii, sese in sectas Lasci & Westphali & Oecolampadistas discissos videntes expulso spiritu vertiginis, in unum corpus redigere sunt conati, sed & ibi magis aucta est discordia discordia Confusi sunt operarii Babelis, ut non audiret unusquisque vocem proximi sui. Gen. 11. [a] Transilientur deinceps plurimi Conventus, cum lector videat, infinitum eorum numerum fore coacervandum, & paucos saltem attingam nempe An. 1537. Nickelsburgi inter Anabaptistas, & Smalcaldiae iterum inter Cadmæos fratres. Anno vero 1538. mense Aprili Tiguri, ubi Bucerus bilinguis exsufflatus est, & mense Mayo Brunsvici, ubi se Rex Daniae Protestantibus conjunxit, & brevi post Ifenaci ob ingruentem Turcam, ubi 24. Julii in Cæsarem Cameramque Imperialem Protestantes convocati conjurarunt, libere pronuntiantes se potius Turciam capivitatem pati velle, Christianamque religionem extingui, quam vel unum iota de Lutheri doctrina, uti Saxo Francofurti An. 1539. semalle de S. Pauli Epistolarum, quam Luthericorum scriptorum veritate dubitare, neque se Ferdinandum Cæsarem Rom. agnoscere. Eodemmo Anno Arnstadii Protestantes convenire de Fædere suo firmando, & Bonis Ecclesiasticis expilandis, legatione ad Cæsarem & Reges Angl. & Franciæmittenda, & ad Kal. Martias alia synodus indicta est Smalcaldiae anno 1540. in quo de vera Augustana Confessionis intelligentia sive interpretatione quæsumum fuit; qua in re licet tum Melanchthon, Jonas, Pomeranus, Bucerius & Cruciger vehementer desudarint, exitum tamen reperire aut certum quid statuere non potuerunt, singulis eam ad suum sensum interpretantibus. Eodem Anno Hagenoe Comitia cum perguntur Eckius & Melanchthon de pace Religionis colloquium cœperunt, Wormatæ continuatum, Ratisbonæ finitum anno 1541. mense Aprili cui ipse Imperator interfuit, unâ cum Gaspare Contareno Cardinali & S. sedis Legato: ubi Bucerius novam Confessionem proculit, modumque conciliandarum religionum ostendit. Spiræ an. 1542. & Norimbergæ anno 1543. in quo malus Protestantium animus in ferenda afflictis Christianorum rebus ope apparuit. Et Wormatæ anno 1545.

qui conventus animum Protestantibus addidit Concilii auctoritati sese opponendi.

IV. Sed in primis celebris fuit post Francofurtensem Protestantium conventum, (ubi de suppeditis Hermanno Colon. Archiepiscopo Apostatae ferendis egerunt) ille Conventus, Ratisbonæ habitus anno M. D. XLVI. quo Imperator ipse venit, instituto inter Catholicos & Protestantes Colloquio. Et ex illis quidem præcipui fuerunt Gropius & Eccius, ex his vero Melanchthon & Buceris quorū hic pro more suo rursus intermedium quandam religionis formulam fuit commentus. Quum in menſem fere protracta fuisse disputatio, undecim Lutherani Prædicantes, uti & Wirebergenses, ea impedimenta objecerunt, ut nullo operæ precio facta discessum sit, & quidem tanta inter ipsos sententiarum discrepancia, utrelista illa nova concordia formula, ad Augustanam ruris configerit Confessionem, & tandem variis quæsumis caussis sese subduxerint, ut libro III. dictum est. Interea moritur Lutherus vir discordiarum an. 1546. 18. Febr. & mox secuto bello Smalcaldici fæderis Protestantes eidem conati sunt vivorum hominum hostiis, qui unicam Christi hostiam abrogant, parentare; nisi is conatus in capitacorum, ut sagittæ parvolorum recidisset, captis antesignanis ejus fæderis Saxone & Landgravio anno 1547. quo etiam Franciscus Gallie & Henricus Angliae Reges decesserunt. Victoriae grandem Caroli V. secuta sunt Comitia Augustæ Vindelicorum, ubi annus is Concordia in Religione tractatu est extraetus, & sequens in majus usque consumptus, quo demum Liber Cæsarii Interim, medium inter Lutheranam & Catholicam religionem, Bucero ut creditur authore, complexus est publicatus, & imperii protestantibus imperatus anno nimirum 1548. Acceptatus à plerique est, solus Saxo Mauritius, novus Elector pro captivo nuper institutus, metu suorum subditorum restitabat. Cujus mōra multorum in Saxonia Conventuum, & talium quos mirari oportear, occasionem dedit, Deo sapienter agente, ut ex cordibus Lutheri asseclarum cogitationes corum eruerentur, & revelarentur. Hos Conventus exactè libro 3. cap. 12. num. 1. recensitos habes, ne actum agi queraris, quibus adde illum conventum qui ante illos Lipsiæ an. 1548. cum Interim Cæsarium parabatur, celebratus esse videtur, in quo Lutheri opera sub

[a] Vlenb. in Ofiandro c. 2. n. 1. Melanchton c. 12. & in Lutherio cap. 28. Anatomia pag. 100.

sub incudē revocata sunt, eo quod discipulos ejus subpuderet paulatim antilogiarum & obscenitatum sui Magistri, cuius verba oportebat esse purum verbum Dei [a] Item Borussicum Colloquium, inter Osianum & Staphylum, tunc adhuc Luterenum [b] Successit his an. 1549. Conventus Lipsiensem & Wittebergensum Theologorum, qui Ordinationem Ecclesiarum, iussu Mauricii cōscripterunt, quam alii Lutherani Zelotæ irrisorie *Volumen Nova legis* appellarunt. [c] Prætereo hoc loco Oxoniensem hujus Anni Disputationem in qua Petrus Martyr in eas angustias est redactus, ut à suis Zwinglianis sibilis & clamoribus è cathedra fuerit deturbatus, [d] secuta sunt Comitia Augustana an. 1550, in memorem Julium indicta, in quibus Saxo protestatus est Tridentinum Concilium se non approbaturum, nisi Theologi Augustanae Cōfessionis definiendi in eo habeant potestatem, [e] visa est ea protestatio altiores spiritus & armas fāpere nova, quæ sane subsecuta fuerunt, nā an. 1552. bellum in eunte vere Mauricius inopinatum Cæsari intrulit, quod Conventu Passavensi est terminatum [f] circa medium Julii, ubi nemini circa religionem negotii aliquid facessendum esse declaratum est. Mortuo subhæc Mauricio Electore A. 1553. mense Julio, Augustus frater hereditatem & dignitatem adiens Augusto mense præcipios Lutheranæ Opinionis sectatores convocavit, ut eos sibi faventes ficeret, & per hos plebem adversus Joannem Fridericum repetentem terras & dignitatē parenti suo ob rebellionem ablata [g] synodus illam Wirtenbergicam secuta est alia qua inter Augustum Sax. & Joan. Fridericum disceptatio composta est Augusto vincente æmulum, qui an. 1554. obiit Catharro in martio: & Naumburgi celebrata est, magna Lutheranorum synodus, ut suæ Opinio-  
nis Schismata multa & grandia sanarent Maio convenere undique, eo, effecerunt nihil, usi Charraeo glutino manente & crescente judiciorum dissidio, [h] Eodem anno Bernæ in Helvetiis Zwinglianorum synodus celebratur, in qua Calvinus in xv. articulis, ex Institutionibus ejus collectis, Hæreticos damnatur, & Institutiones cædem edi aut vendi vetitum fuit [i] Itaque Sacramentarii ipsi pro Ecclesia Institutiones eas damnarunt prius, quam probarent quibus nunc gratiōe utuntur, suaves homines; secutum est A. 1555. Norimbergense certamen inter Osianinos, & alios Lutheranos, quod Melanchton chartaceo emplastro conatus est sanare, verum ille tantum obtine-

bat uetus, nā vehementius infumuit zelo Flaccianorum [k] adeo ut Wittebergensum libros vete-  
rint legi An. 1556. secuta est Francofurtensis Dispu-  
tatio in qua Calvinus cum Justo Velsio publice di-  
sputavit de libero arbitrio, cumque idem cum ejus-  
dem loci ministris de causa Sacramentaria veller  
disputare, tanquam Zwingianus est rejectus, [l] anno sequente Colloquium illud Wormatiense  
seculū securoris celebrandum vix cōceptum abso-  
lutum fuit, cum Schismate inter Augustanæ Con-  
fessionis addictos, erumpente, sibi mutuo anathēma  
dicentes, profugerunt, Catholicis cedētes, [m] Re-  
cte Beda in cap. 5. Marci dicente: *Reprobos plures  
ſēde, quam lingua diſsecando confundunt*. Amplius id  
apparuit, cum an. 1559. Duxes Vinarienses cum mi-  
nistellis suis Græco & Germanico stilo Novem fa-  
stiones Lutheranæ opinionis explosarunt, [n] Co-  
mites vero Mansfeldenses xi. alias sectas Fratrum  
suorum, tanquam execrables hæreses damnarunt;  
quibus gratis etiam Catholicos Jesuitas adje-  
reunt, ut Calviniani in forma quadam cōnā suæ  
ipsum Deum Anathematismo perculerunt, dum  
omnibus qui creaturam aliquam benedicunt, ana-  
thema dixerunt. Eæ damnationes Saxoniorum,  
effecerunt, ut Hildbergenses de iis triumpha-  
rint, nam Clebitius videns discordiam tantam, li-  
brum vulgavit hoc titulo: *Victoria veritatis, & ruina papatus Saxonici* [o] eodem an. 3. Aprilis Dispu-  
tatio Hæreticorum Angliae contra Catholicos ini-  
quis legibus, & Judice illiterato Batono, imperata  
est ab Elisabetha Regina, [p] an. 1560. Cabilone hæ-  
retici Laicam & Ecclesiasticam potestatem syno-  
do sua tollere conati sunt, affirmando omnes ho-  
mines paris esse gradus, uno Rege excepto, ad tem-  
pus, quo anno Melanchton 19. Aprilis invitatis qui  
aderant ad prandendum secum, repente obrutus  
deliquis ita ut ne quidem testamentum condere  
potuerit, decepsit, [q] in medio bellorum inter Lu-  
theranos ipsos & que ac Sacramentarios, à quibus  
undiq; impetrabatur an. 1561. Luneburgi Lutherani  
quidam damnarunt Zwingianum, Zwingiani

## G 2 in Tran-

- [a] *Anatomia* p. 105. [b] *Vlenberg in Osandro* c. 2.  
n. 3. [c] *Supra lib. 3. c. 12. n. 1.* [d] *Anatomia* pag. 109.  
[e] *Anatom pag. 106.* [f] *Anatomia* p. 106. *Vlenb. in*  
*Melancth. c. 21. Brou.* [g] *Vlenberg in Melancth. cap. 22.*  
[h] *Vlenberg in Melancth. c. 22.* [i] *Anatomia.* [k] *V-*  
*lenberg. in Melancth. c. 22.* [l] *Anatomia* p. 107. [m] *V-*  
*lenberg. in Melancth. c. 23.* [n] *Vlenberh. c.* [o] *Ana-*  
*tomia* pag. 107. [p] *Anatomia* p. 108. [q] *Vlenberg in*  
*Melancth. ad finem.*

In transylvania Luthericam, Bernenses Lutherum sequentes in exilium egerunt [a] Eodem anno Nurimberg & tentata à Confessionistis damnatio Zwingianorum, sed frustra, multis ad Zwingianos propendentibus. Hinc per Germaniam immane chaos libros scribentium adversus adverfarios in omni pago pene contradic̄tio & disputatio audiebatur, [b] & Joan. Fridericus Saxonie dux Viniarius, cum multa contra Palatinum indignatione discessit. In Transylvania Conventus Megyeicus eod. anno de ultima cœna conventus celebratus est [c] & Disputatio Possiaca in Gallia (de quo postea) an. 1562. Luneburgi mense Mayo Principes Inferioris Saxonie convenientes Calvinismus Brenur & alibi nudulari incipientem damnarunt. [d] Halberstati idem factum est mense Septembri anno 1563. Calvinicole Lausanna comitia celebrarunt, in quibus Calvinus rejtiens symbolum Athanasii & Joan. 10. dictum: *Ego & pater unum sumus*, de sola voluntatis unitate interpretatus & Arrianus apparuit. [e]

V. Maulbrunne anno M. D. LIV. mense Aprili [f] cui à parte Calvinistarum Elector Palatinus, adductis secum Boquino & Oleviano, qui post Wirtembergici adventum cum Comite Witgestenio in Westphalam discessit, & à parte Lutheranorū Ludovicus Dux Wirtembergicus interfuerunt, adductis Jacobo Andreæ Smidelino & Brentio qui Ubiquitatem Christi magnis conatibus propugnabant. Conventus hujus Acta Germanica lingua postea promulgata sunt, in quibus inter alia Lutherani de Calvinistis sic loquuntur: *Incredibile est Calvinistarum impudentia publice jactantium se à nobis pro fratribus haberi, quos tamen neque in Ecclesiis nostris ferre, neque pro fratribus, sed potius pro inimicis Iesu Christi, & à mendacij spiritu agitatis agnoscamus.* Petricevæ etiam an. 1566. habitus fuit conventus, in quo Calvinistæ suscep̄ta contra novos Arrianos disputatione, rem ad exitum perducere nō poterunt. [g] Eodem anno Parisiis habitum est Colloquium 9. Juli inter Catholicos & Calvinianos: & Londini. [h] Varadini in Transylvania anno sequenti, inter eosdem hæreticos, in quo convitiis & excommunicationibus res acta fuit. [i] Altenburgi an. 1567. in Misnia inter Lutheranos Molles & Rigidos, in quo pars una magistrum suum in cœlum extulerunt, alii ejusdem cum ceteris hominibus conditionis esse voluerunt. Transfacto mutuis contentionibus integrō fere semestri, tandem Molles Lutherani suis Lutheri, Rigi vero seu Flacciani, Melanchtonis librorum & Augustinæ Confessionis lectione,

earumq; ceremoniarum & Ecclesiasticorum ornatorum qua hactenus in Missa apud Witebergenses usitata fuerunt, usu interdixerunt; ne cum illis quidquam commune haberent. [k] an. sequente 1568. in Dominiis Geran. Conventus Protestantum Confessionem Augustanam definivit esse Cothurnum omni pedi aptum, & in conclusione precum Per Dn. N. Jesum Chr. filium, iusterunt dicitur Mahometani, fidelem servum tuum. [l] Eodem anno Sendomiria Calviniani cum Tridecim confixerunt frustra ex scripturis Albae Juliae an. 1570. inter Trinitistas & Calvinianos disceptatū. Dresdæ a. 1571. in quo Lutherani Lipsienses a Flaccianis hæreticos sunt dānati. Bernæ anno sequenti, ubi Sacramentarii in tot sectas hactenus distracti, contra Ecclesiā cōmune fedus fecerunt. Cracoviæ an. 1573. ubi omnes diabolorum qui in Polonia paſsim & Transsylvania sunt, cōrta fuere congregati: in quibus Daniel, Georgius, Jurequius Cerdio, detestabilium hæreſeon antesignani, dum sibi quisq; suisque dogmatiſ fidem arrogare & alteris detrahere nititur, operam & oleum perdiderunt, ab adverſatis turpiter explosi. Remburgi anno 1574. ubi Principes aliquor Imperii convenerant, adductis Ecclesiārum suarum ministris, sed sine ullo itidem fructu, singulis in sententia sua persistentibus.

VI. Venio nūc omissis multis ad celebre illud Möpelcardense Colloquiū, in quo Theodorus Beza, & Jacobus Andrea Smidelinus, Professor Theologie & Cancellarius Universitatis Tübingensis in Ducaru Wirtembergico, inter se congressi sunt. an. 1585. Id Colloquium concordia inter Lutheranos & Calvinistas tentanda cauſa magno apparatu, magnaque hominum expectatione institutum ac celebratum, longe diversum finem habuit, utriusque partis animis multo magis contra se mutuo exacerbatis. Beza enim dicebat corpus Christianum esse in cœlo, Smidelinus vero esse ubiq; Tunc nova verborum monstra nata sunt. [m] Vtus cœna Oralis, naturalis, Sacramentalis, omni maiestatiū &c. Posnania eodem anno inter Calvinistarum 300. ministros conventus est celebratus ad edendum unam conformem per omnia professionem fiduci, rogatu Palatini Posnaniensis. Sed effectum nihil diffensione concordium in apostasia, [n] anno 1587.

[a] *Anatomia*. [b] *Anatomia*. [c] *Supra lib. 4. c. 7. n. 9. d.* *Anatomia*. [e] *Anatomia p. 3.* [f] *Anatomia L. cit.* [g] *Anatomia*. [h] *Anatomia*. [i] *Anatomia*. [j] *Anatomia p. 113.* [k] *Anat. p. 113.* [l] *Anatomia p. 117.* [m] *Anatomia p. 118.* [n] *Anatomia ibi.*

1587. Genadense colloquium celebratum est, ut concordia inter Lutheri & Calvini opiniones conficeretur. Magistratus Lutheri plebs Calvinus in hærebat: exitus fuit, ut quique quod vellet credere pergeret. [a] an. 1588. Vilnae, quasi in portu omniū qui hædi naufragium fecerunt, synodus est habita, præter alias innumeris, illa in qua definitum est adorandum esse Patrem & Filium & Spiritum S. sed non Trinitatem. [b] Item alia simili Genadensi definitioni. Item alia in qua Nobiles exprobarunt ministris, se nescire quid crederent, quibus ministri responderunt, quod quamdiu Domini illi essent in curru nullus esset ordo. His illi reposuerūt: quamdiu nos nisi scholares docobunt, errabimus. post hæc probra mutua inita est concordia per amnistiam. Alia an. 1589. ibid. coacta est, in qua Decretum fuit, ut ministri de Trinitate rectè sentirent, in predicatione tamen à Trinitate voce abstinerent. Ne illegitimos filios baptizent, &c. [c] Eodem an. 1589. Baden in Marchionatu ad Rhenum habita est Disputatio inter Pistorium & Smidelinum, &c. super Marchionis ad fidem nuper reversi Confessione, ubi Smidelinus noluit Dialectica forma coarctari suam loquacitatem, sed ex suo contra Schwenckfeldium libro ad eam adactus, afferuit ab Apostolis disputationes esse veritas. [d] Eodē anno Lavingae de bonorum operū necessitate disputatū est, inter Catholicos & malos Evangelicos; Illi probabant bonorum operū necessitatēm sic: Omne quod est necessarium Christiano ut perveniat ad terminum, est necessarium ad salutem: Ex Apostolo Paulō Ephes. 1. Opera bona sunt ejusmodi; ipsius factura sumus creati in operibus bonis, ut in illis ambulemus: ergo. Ibi mali Evangelici, dixerūt esse necessaria non ut salutis causas, sed ut merita, vel effectus fidei, ex præcepto requisita. Ad quæ Catholicī: Ergo neque fides est necessaria, quia est præcepta. mali Evangelici vero Fides non est opus: Catholicī Joan. 6. Hoc est opus Dei ut creditis in eum, ait Dominus. Et confusi sunt adversarii, non tamen emendati. [e] anno 1590. Alia mense Maio Vilnae Colloquium est habitum de ordine Ecclesiæ, quoad Catechistas, & Ministros, & editione librorum, nempe Catechistæ penes ministros habitent, nec Sacramenta ministrent, sed neque matrimonio copulent ullum Minister distribuens carnem & non sumens suspendatur ab officio. Editiones librorum non sicut absque censura deputatorum, plane uti Tertullianus 4. contra Marcionem docet: quod quotidie reformant, illud prout à nobis quotidie revin-

cuntur. Ulmae habitum fuit Colloquium, ubi inter utriusque partis colloquutores de armis quibus in conflictibus ejusmodi sit utendū, & unde illa pertenda, non potuit convenire. Wittebergæ an. 1591. convenient Prædantes, ut unam fidei regulam communem conderent, controversos articulos definirent, Ordinationem Ecclesiæ generalem conficerent. [f] an. 1592. Visitatio Saxonica damnavit Calvinianos, quod in Eucharistia nuda symbola & signa Corporis Christi obtruderentur de persona Christi, baptismo, prædestinatione & perscientia impie sentirent. [g] Sic Ægyptii adversus Ægyptios concurrerunt. an. 1594. Wittebergæ disputatum inter Hunnum, & Huberū, & adhærentes singulorum, Hunnius ad solos Electos, Huberus ad omnes homines prædestinationem extendebat: simili modo de aliis plurimis discrepantes inter se conflixerunt, volubiles in omnibus viis suis, sed nunc in hanc nunc in illam partem sese vertentes, modo vituperantes quod paulo ante laudaverunt, ut ait Athanasius de synodo Nicena. Lepidissimum inter configentes fuit, quod Huberus docebat Lutherum revocasse sententiam de seruo arbitrio: Hunnius vero negabat. Unde Huberina pars Hunium ut Calvinistam damnavit. [h] Infinita alia colloquia, & conventus diversis temporibus habitos prætero: in quibus Catholicī cum omnium sectarum hominibus congressi, palmam semper obtinuerunt, numquam ulla inter ipsos secessione facta: quin econtra Lutherani, Zwingiani, Ariani, Tritheistæ, Antitrinitarii, Svenckfeldiani, Anabaptista & Calviniani in varias sectas & factiones scissi ac misere divisi sint, ut omnium synodorum eventus monstravit. Sicubi vero Catholicos vicere acatholici mero dolo & armis. Siquidem hæreticæ fraudis ista est solennis regula, Jactare Fidem esse donum Dei: esse fundam non cogendum: nemini propter religionem persecutionem esse movendam: Libertatem conscientiæ esse permittendam: at ubi in valuerint multitudo plebis, tunc conspirare, tunc persecuti eliminare, multare, in carcices agere, & in vitam animadvertere. Exempla habet quotidiana Germ. Anglia, Dania, Svecia. &c.

Verum hoc loco facere non possum quin præcipui unius ex ejusmodi conventibus, in quem zora Germania oculos, ob spem concordiae, concicerat, ceremonias & exitum paucis describam.

G 3 Anno

[a] *Anatomia* ib. [b] *Anatomia* p. 118. [c] *Anatomia* 119. [d] *Anatomia* p. 119. [e] *Anatomia* ibid. [f] *Anatomia* p. 120. [g] *Anatomia* ib. [h] *Anat.* p. 122.

Anno M. D. XVII. Imperatoris permisso, inter duodecim Catholicos, & duodecim Protestantes Theologos instituta fuit disputatio: præsesque designatus Episcopus Spirensis, & Notarii quidam, qui Acta exciperent, & in arcula quadam, cuius unam clavem Catholici, alteram Protestantes habebant, ad comitia asservarent. Adjuncti etiam quaterni ab utraque parte Præcipitum etiam si qui forte e Colloquitoribus decessuri essent, alii in corum locum denominati. Quid multis? A Protestantum parte parturiebant montes, sed natus est ridiculus meus, cum æterna hæreticorum ignorancia. Facto enim initio, Catholici sibi cum Augustanae Confessionis Doctoribus disputandi negotium datum aiebant, ceteris omnibus sectis exclusis. Quare videndum ut utrumque designati tales sint quibus nihil ejusmodi possit objici. Se quidem omnes unam eandemque fidem profiteri, & idem per omnia sentire. Sic res dilata, & per dies aliquot acerrime inter ipsos disceptata fuit. Misera enim Augustana illa Confessio in Confusionem aperte cooperat, uno hoc, alio aliud dicente. Porro e duodecim illis Augustanae Confessionis Doctoribus, quinque secessionem fecerunt à septem protestati numquam se iis subscripturos quæ certi ipsorum collegæ de libro Arbitrio, de Justificatione, de bonis Operibus, de Sacramentis, & de Eucharistia conceperant, ut in quibus ab Augustanae Confessionis textu longe admodum sit discessum, & ideo eisdem septem uti hæreticos privatim, inter se damnarunt, & illos septem ad anathemati suo subscribendum compulerunt, quo peracto cum spem haberent se concordes futuros in colloquio contra Catholicos, publice erupit, privatim facta septem virorum à quinque viris damnatio, & quinque illi à septem uti ab Hæreticis recedendo fugerunt e colloquio. Quamvis enim numero vincerentur, & que tamen pertinaces, post longam altercationem septem illis cedere coacti, & a suis ipsorum collegis & fratribus irrisi, maledicti atque excommunicati fuerunt. Sed & septem illi quum ejusdem coloris homines in decessorum locum substituendos non reperirent, & ipsi ante confictum receptui canentes, facilem Catholicis victoriam reliquerunt. Vix inde digressi, mordacibus & virulentis admodum scriptis mutuo se secessati sunt, ut videre est ex iis quæ Nicolaus Amsdorius & Nicolaus Gallicus contra Melanchthonem & Brentium, qui e septem illorum numero fuerant, ediderunt, in quibus eos hæreticorum fautores, Zwingianos,

Osiandrinos, qui Augustanae Confessionis velut impensis suis & terris erroribus prætexant, appellant. Habet exitum huius conventus, vel Comœdia potius, in quo Lutherani tamquam incepti histriones, omnium risui & ludibriō se se expouerunt. Dicamus O ærumnos Babylonis ædificatores! qui dum velut Cadmea illa progenies, inter se digladiantur, Catholici unanimi inter omnes consensu (qui in fola Catholica Ecclesia semper reperitur) meliora exspectant & optant, tam ridiculam quam miserabilem ambitiosorum hominum divisionem considerantes.

#### DE CONCORDIA RELIGIONUM A JACOBO ANDREÆ SMIDELINO TENTATA: & QUÆ CIRCA EAM IN DIVERSIS GERMANIAE LOCIS EVENERINT.

##### CAPUT UNDECIMUM. ARGUMENTUM.

- I. *Dux Virtembergicus novam Fidei formulam conscribi juber.*
- II. *Eius auctor Iacobus Andrea, vulgo Schmidlein.*
- III. *Eam circumfert, ab aliis receptam ab aliis explosam.*
- IV. *Augustus Saxonie Elector Concordia librum approbat: quem Iacobus Andrea Constantiopolim ad Patriarcham mittit.*
- V. *Iacobus Andrea Lutheri filio Medico comitatui, Virtembergam proficiscitur, in magnum ibi periculum conjectus.*
- VI. *Concordia liber ab Augusto Saxonie Electore receptus, à Christiano eius filio Calvinismum amplexo, reprobatur.*
- VII. *Mortuo Christiano, Calvinismus à Saxonie prescribitur, & Lutheranismus rursū stabilitur.*
- VIII. *Calvinista Saxonie ejiciuntur Aquilegrani religio mutatur.*
- I. *Ludovicus Dux Wirtembergicus, è Protestantum Principum numero unus, animadvertis Evangelicos, uti se nominant, tot factionibus distractos, non Catholicis tantum, sed Genevensis etiam religionis laeclisis nuper in lucē progressis risui esse, Doctores suos rationem aliquam faciendæ saltem inter Augustanae Confessionis socios concordia comminisci jussit; Superintendentes suos non semel ita affatus. Quid nullus ne omnino restat medue certum aliquid de controversis illius actionis*